

CAD/MR/2024 – 5

SIARAN MEDIA

Kuala Lumpur, 19 Januari 2024

Asas Pasaran Saham Kekal Utuh

Suruhanjaya Sekuriti Malaysia (SC) dan Bursa Malaysia Berhad (Bursa Malaysia) sedang memantau rapi keadaan pasaran baru-baru ini berikutan peningkatan turun naik dalam saham tertentu.

SC dan Bursa Malaysia beri jaminan kepada pelabur bahawa asas pasaran saham Malaysia kekal kukuh dan tidak perlu dibimbangkan. Penurunan mendadak harga saham baru-baru ini hanya terhad kepada beberapa saham bermodal kecil dan tidak meluas. Saham yang terjejas terdiri daripada kira-kira 0.17% daripada jumlah permodalan pasaran dan 8.30% daripada jumlah nilai dagangan bagi tahun tersebut.

Pelabur dinasihatkan untuk membuat keputusan pelaburan berdasarkan asas termaklum dan merujuk kepada penzahiran dan pengumuman yang dibuat oleh syarikat tersenarai di www.bursamalaysia.com. Di samping itu, pelabur juga perlu memberi perhatian kepada maklum balas syarikat terhadap pertanyaan Aktiviti Pasaran Luar Biasa (UMA) yang dikeluarkan oleh Bursa Malaysia.

SC dan Bursa Malaysia menjalankan pengawasan proaktif terhadap urus niaga dan pendedahan korporat, serta pemantauan masa nyata bagi semua aktiviti dagangan untuk memastikan pasaran yang cekap, adil dan teratur. Seandainya sebarang penyelewengan dikesan, SC dan Bursa Malaysia tidak akan teragak-agak untuk mengambil tindakan kawal selia yang diperlukan untuk memelihara integriti pasaran.

SURUHANJAYA SEKURITI MALAYSIA

BURSA MALAYSIA BERHAD

Pihak Media boleh menghubungi Jabatan Hal Ehwal Korporat di talian +6012 2072787 (Delyana Nordin), +6019 434 8707 (Aina Farhani), atau e-mel: cau@seccom.com.my.

Mengenai Suruhanjaya Sekuriti Malaysia:

Suruhanjaya Sekuriti Malaysia (SC), sebuah badan berkanun yang melapor kepada Menteri Kewangan, ditubuhkan di bawah Akta Suruhanjaya Sekuriti 1993. Ia merupakan agensi kawal selia tunggal bagi pengawalseliaan dan pembangunan pasaran modal. SC mempunyai tanggungjawab langsung untuk menyelia dan memantau aktiviti institusi pasaran, termasuk bursa dan rumah penjelasan, dan mengawal selia semua individu yang dilesenkan di bawah Akta Pasaran Modal dan Perkhidmatan 2007. Maklumat lanjut mengenai SC boleh didapati di laman sesawangnya di www.sc.com.my. Ikuti SC di saluran media sosial kami @SecComMalaysia untuk maklumat lanjut.



Tentang Bursa Malaysia:

Bursa Malaysia merupakan syarikat pemegangan bursa yang diperbadankan pada tahun 1976 dan disenaraikan pada tahun 2005. Ia telah berkembang sebagai salah sebuah bursa terbesar di ASEAN. Bursa Malaysia hari ini beroperasi sebagai bursa pelbagai aset dan mengawal selia pertukaran bersepada sepenuhnya yang menawarkan rangkaian komprehensif pelaburan, penjanaan modal, dan kemudahan berkaitan pertukaran. Bursa Malaysia komited kepada misinya untuk 'Mewujudkan Peluang, Meningkatkan Nilai' bagi pasaran modal, ekonomi dan masyarakat Malaysia. Ketahui lebih lanjut di bursamalaysia.com.

Dominica Chin
+603 2034 7626 | +6012 217 0245
dominica@bursamalaysia.com